



ՔԱՐՈՋ ՍՈՒՐԲ ՍԱՐԳԻՍ ԶՈՐԱՎԱՐԻ ՏՈՆԻ ԱՌԻԹՈՎ

«Յանուն Հօր եւ Որդոյն և Հոգւոյն Սրբոյ, ամէն»:

«Երթաք գործեցէք՝ մի՛ գկորստական կերակուրն, ալ գկերակուրն որ մնայ ի կեանս յախտեանական» (Յովհան. Զ 27):

«Գնացէ՛ք աշխատեցէ՛ք ոչ թէ կորստեան ենթակայ կերակրի համար, ալ այն կերակրի, որը մնում է յախտեանական կեանքի համար»:

Սիրելի հավատացյալ ժողովուրդ, այս խոսքերը Քրիստոսն է ասել իր աշակերտներին, որոնք հետևելով Տիրոջ խոսքերին, քարոզելով սփռվել են աշխարհով մեկ:

Նրանցից երկուսը՝ Ս. Թադեոս և Ս. Բարթողիմեոս առաքյալները, գալիս են Հայաստան աշխարհ քարոզելու և իրենց արյունը թափելու հանուն իրենց հավատքի մեր հայրենի հողի վրա:

Ապա Ս. Գայանե և Ս. Հռիփսիմե կույսերը, իրենց քառասուն ընկերուհիների հետ, հալածվելով Հռոմի Դիոկղետիանոս կայսրից, գալիս են և ապաստանվում Հայաստանում, ապա քարոզում և նահատակվում Տրդատ Գ թագավորի կողմից:

Գալիս է Ս. Գրիգոր Լուսավորիչը և քազում չարչարանքների գնով Հայաստանը քրիստոնեության դարձի բերում և ժողովուրդը քրիստոնյա մկրտում:

Հայաստանը դառնում է առաջին պետությունը աշխարհում, որ քրիստոնեությունը ընդունում է որպես պետական կրոն, և Սուրբ Գրիգոր Լուսավորիչը լինում է Հայաստան աշխարհի առաջին Հայրապետը, 301 թվականին:

Այնուհետև մոտ մեկ տասնամյակ հետո, 313 թվականին, Կոստանդիանոս կայսրը հրովարտակով քրիստոնեությունը պետական կրոն է հռչակում ամբողջ Հռոմեական

կայսրության մեջ: Այս առաջին երեք դարերում քրիստոնյա լինել՝ նշանակում էր Քրիստոսի համար արյուն թափել: Եվ այդ մարտիրոսների արյունը առատորեն թափվում է նաև մեր հայրենի հողի վրա: Բայց քրիստոնեության հաստատումով նահատակությունը վերջ չի գտնում:

Կոստանդիանոսի հաջորդներից մեկը՝ Հուլիանոս Ուրացող կայսրը, ուրանում է քրիստոնեությունը և կրկին հալածանք ըսկըսում քրիստոնյաների դեմ:

Այս հալածվողներից մեկը Սարգիս զորավարն է լինում, որը ծառայում էր Հռոմի բանակում: Նա իր զորքին քրիստոնեություն էր քարոզում, իսկ նրա ծագումը Հայաստանի հարևան Կապադովկիայի Կեսարիա քաղաքից էր և հավանական է, որ Սուրբ Գրիգոր Լուսավորչի մասին լսած լինեի: Ու փախչելով Ուրացող Հուլիանոսի հալածանքներից, գալիս է և ապաստան գտնում քրիստոնյա Հայաստանում՝ Տրդատի թոռ Տիրան թագավորի մոտ:

Միաժամանակ Հայաստանում մնալուց հետո անցնում է Պարսկաստան և ծառայության մեջ մտնում Ծապուհի բանակում, որպես զորավար: Այստեղ էլ շարունակում է իր քրիստոնեական քարոզչությունը և շատերին քրիստոնյա դարձնում:

Ծապուհը լսելով այն ամբաստանությունները, որ Սարգիս զորավարը իր զինվորներին քրիստոնյա է դարձնում, հրամայում է նրան, կրակին երկրպագել: Սարգիս զորավարը մերժում է արքայական հրամանը որպես քրիստոնյա զինվորականի, և Ծապուհը, չարչարելուց հետո, իր որդու՝ Մարտիրոսի հետ միասին սպանել է տալիս նրան գլխատմամբ:

Այդ մասին Վարք Սրբոցից կարդում ենք. «Եվ ձեռքերը տարածելով Սուրբ Սարգիսըն ասաց բարձր ձայնով, — Տեր Աստված հավիտենական, որ ինձ արժանի արիր մահանալու քո սուրբ անվանդ համար, լսի՛ր քո ծառայող աղաչանքները, ընդունիր ինձ նրանց հետ, որ սիրեցին քո գալստյանդ օրը և քեզ ուղեկից եղան խաչի և մահվան չարչարանքներով: Եվ եթե չարից խաբվելով մեղք եմ գործել քո առաջ մանկությունից մինչև այսօր կամա թե ակամա, գիտությամբ թե անգիտությամբ, լվա՛ և մաքրիր ինձ ողորմությամբ՝ իմ արյան հեղուկով: Քո հավատացյալներիդ էլ, նրանք, որ սուրբ անունդ են հիշում, մեղքերի թողություն պարգևիր և յուրաքանչյուրին հոգևոր և մարմնավոր վտանգներից փրկիր և ախտերից աքիբիր: Եվ ընդունիր իմ հոգին արդարների օթևանը հավիտենական հանգրստի համար և քեզ փառք հավիտյան հավիտենից ամեն»: Այս ասելով՝ ծնրադրում է դեպի արևելք, խաչակնքում և պառանդը խոնարհելով սրի առաջ, ասում.

«Տեր Հիսուս, առ իմ հոգին»: Եվ դահիճը արով կտրում է երանելիի սուրբ գրլովարը:

Այս հակառակ ծապում արքայի հրամանին, նահատակի հավատարիմ զինվորները թաղում են իրենց զորավարի մարմինը՝ նույնպես արժանանալով նահատակության:

Երեկ մեր Հայաստանյայց Առաքելական Սուրբ Եկեղեցին տոնեց նրա որդու՝ Մարտիրոսի և հավատացյալ տասնչորս զինվորների նահատակության հիշատակը: Մեր ժողովուրդը շատ է սիրել և սիրում է Սուրբ Սարգսին: Նա մեր ազգային սրբերից մեկն է: Նրա և բոլոր մեր մարտիրոսների արյունը կարծեք ներկել ու կարմիր է դարձրել մեր սուրբ խորանների քարերը ու կարմիր քարից՝ խաչքար կերտել: Իսկ ինչու մեր ժողովուրդը այնքան սիրում է Սուրբ Սարգսին, որ նույնիսկ իր քաղաքամայրի սրբտուն նրա անունով հռչակերտ եկեղեցի է կանգնեցրել: Պատճառը այն չէ՝ արդյոք, որ նա ծնվել ու մեծացել էր Կապադովկիայի Կեսարիա քաղաքում, ուր նա սովո-

րել և քրիստոնյա է դարձել մեր Մեծն Գրիգոր Լուսավորչի ձեռքով: Լուսավորչի դարձի հրաշքը չէ՛ր, որ նրան բերում է Հայաստան աշխարհ, որպես քրիստոնեական ապաստարան՝ Որացող Հուլիանոս կայսրի հալածանքներից: Եվ վերջապես, Հայամավորքից իմանում ենք, որ մեր սրբատուրք վարդապետը՝ Մեսրոպ Մաշտոցը, գտնում է Սուրբ Սարգսի աճյունը և փոխադրում Արագածոտն գավառի Կարբի գյուղ և նրա վրա վանք կառուցում.

«Եւ յետ ժամանակաց եկեալ անդր Մեծ վարդապետն Մեսրոպ՝ ետարձ զմարմինը նորա և տարաւ ի Կարբի, և եղ պատուով ի յնոջի. և եղև տեղին վանք հռչակաւոր վասն բազում սքանչելեացն՝ որք անպակաս լինեն անդ մինչև ցայսօր»:

Մեր ժողովուրդը միշտ զգացել է, որ Մեսրոպ վարդապետի սուրբ ձեռքերն են դիպել Սարգիս Զորավարի աճյունին, և միշտ հայցել է նրա օրհնությունն ու բարեխոսությունը: Այսօր, հազար հինգ հարյուր և ավելի տարիներ հետո, երբ նշում ենք Սուրբ Սարգսի անմոռաց հիշատակը, մեր Տիրոջ Հիսուս Քրիստոսի խոսքը իրականացած ենք տեսնում: Նա զոհեց մարմնականն ու երկրայինը՝ հոգեկանի ու երկնայինի համար, և հավիտենական կյանքի արժանացավ: Իսկ մենք այսօր բավարարվելո՞ւ ենք միայն երկրային կյանքով, թե սովորելու ենք նրա և մյուս սրբերի օրինակից: Թող ամեն մի հավատացյալ ի՛նքը տա այս հարցի պատասխանը: Իսկ մենք՝ հայ քրիստոնյաներս, ովստել ենք հետևելու Քրիստոսի և իր աշակերտների օրինակին, որոնք ականատես եղան իր առաջին գալստյանը և սրբերի հետ մեկտեղ հավատացին իր երկրորդ գալստյանը և զոհվեցին այդ հավատքով: «Օրհնեալ եկեալ անուամբ Տեառն, օրհնեալ որ գալոցդ ես, օրհնութիւն ի բարձունս»: Այժմ և միշտ հավիտյան հավիտենից ամեն:

«Ընորհք, սէր և խաղաղութիւն Տեառն մերոյ Յիսուսի Քրիստոսի եղիցին ընդ ձեզ ընդ ամենեւեւս. ամէն»:

ՍՏԵՓԱՆՈՍ ԱԲԵՂԱ ՉԱԲԱԼՅԱՆ

